

প্রতিবন্ধীদের কল্যাণ ও সমাজের মূলস্রোতে অন্তর্ভুক্তির
অভিযাত্রায় মুজিববর্ষ হোক আমাদের প্রেরণার উৎস।

গণপ্রজাতন্ত্রী বাংলাদেশ সরকার
সমাজকল্যাণ মন্ত্রণালয়
শারীরিক প্রতিবন্ধী সুরক্ষা ট্রাস্ট, মৈত্রী শিল্প
স্টেশন রোড, টংগী, গাজীপুর
www.spst.gov.bd



শারীরিক প্রতিবন্ধী সুরক্ষা ট্রাস্ট, মৈত্রী শিল্প

গণপ্রজাতন্ত্রী বাংলাদেশ সরকারের সমাজকল্যাণ মন্ত্রণালয়স্বাধীন শারীরিক প্রতিবন্ধী সুরক্ষা ট্রাস্ট, মৈত্রী শিল্প প্রতিবন্ধীবাঞ্ছ একটি প্রতিষ্ঠান। এ প্রতিষ্ঠানের আওতায় দেশ সেরা বোতলজাত বিশুদ্ধ মুক্তা পানি ও মৈত্রী প্লাস্টিক পণ্য উৎপাদন ও বিপণন করা হয়। এ উৎপাদন ও বিপণন প্রক্রিয়ার সাথে যে সকল কর্মকর্তা/কর্মচারী জড়িত রয়েছেন তাদের সিংহভাগই প্রতিবন্ধী। এ প্রতিষ্ঠানের অনন্য বৈশিষ্ট্য হচ্ছে প্রতিবন্ধীদের দ্বারা উৎপাদিত মুক্তা বোতলজাত বিশুদ্ধ পানি ও মৈত্রী প্লাস্টিক পণ্যের বিক্রয়লব্ধ সমুদয় আয় প্রতিবন্ধীর কল্যাণেই ব্যয় করা হয়।

প্রতিবন্ধীদের জীবনমান উন্নয়ন ও অধিক কর্মসংস্থানের সুযোগ সৃষ্টির লক্ষ্যে মাননীয় প্রধানমন্ত্রী শেখ হাসিনার ঐকান্তিক প্রচেষ্টায় ও প্রতিবন্ধীদের প্রতি তাঁর মানবিকবোধ থেকে তাঁর সরকার মৈত্রী শিল্পের আধুনিকায়ন ও সম্প্রসারণে ‘ শারীরিক প্রতিবন্ধীদের জন্য উন্নয়ন ও আধুনিকায়ন’ শীর্ষক উন্নয়ন প্রকল্প বাস্তবায়ন করে। এছাড়াও বিগত ১৩ (তেরো) বছরে (২০০৯-২০২২) প্রতিবন্ধীদের জীবনমান উন্নয়নে মাননীয় প্রধানমন্ত্রীর অনুশাসন অনুযায়ী মৈত্রী শিল্পের আমূল পরিবর্তন ও সংস্কারের মধ্য দিয়ে শারীরিক প্রতিবন্ধী সুরক্ষা ট্রাস্ট, মৈত্রী শিল্প আজ রুগ্ন শিল্প হতে প্রতিবন্ধীবাঞ্ছ একটি লাভজনক প্রতিষ্ঠানে পরিণত হয়েছে।

“প্রতিবন্ধীদের জীবনমান উন্নয়ন ও সমাজের মূলস্রোতে অন্তর্ভুক্তির অভিযাত্রায় মুজিববর্ষ হোক আমাদের অন্যতম প্রেরণার উৎস” -এই শ্লোগানকে ধারণ করে মৈত্রী শিল্প মুজিববর্ষে উল্লেখযোগ্য উন্নয়ন কর্মকান্ড বাস্তবায়ন করে যা স্বাধীনতার এই সুবর্ণ জয়ন্তীতেও প্রতিবন্ধীদের সমাজের মূলস্রোতে অন্তর্ভুক্তিতে প্রেরণা হিসেবে কাজ করছে।

১.১ রূপকল্প (Vision):

কর্মসংস্থানের সুযোগ সৃষ্টি এবং পূনর্বাসনের মাধ্যমে শারীরিক প্রতিবন্ধী ব্যক্তিদের অধিকার সুরক্ষা ও তাদেরকে সমাজের মূলস্রোতে সম্পৃক্তকরণের মাধ্যমে প্রতিবন্ধীদের জীবনমান উন্নয়ন।

১.২ অভিলক্ষ্য (Mission)

- প্রতিবন্ধী ব্যক্তিদের সমাজের মূল স্রোত ধারায় সম্পৃক্ত করার জন্য শিল্প বিষয়ক প্রশিক্ষণের মাধ্যমে দক্ষ মানব সম্পদে রূপান্তর;
- প্রতিবন্ধীদের সুরক্ষার লক্ষ্যে তাদের কর্মসংস্থান ও পুনর্বাসন কার্যক্রম জোরদার করণ;
- মৈত্রী প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার উৎপাদন ও বিপণনের কাঙ্ক্ষিত মানে উন্নীতকরণ ও মৈত্রী শিল্পের আধুনিকায়ন;
- মৈত্রী শিল্পের উৎপাদিত প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার সরকারী, আধাসরকারী/ স্বায়ত্বশাসিত প্রতিষ্ঠান সহ ভোক্তাদের মাঝে সরবরাহ বৃদ্ধি নিশ্চিতকরণ ও রাজস্ব বৃদ্ধির মাধ্যমে প্রতিবন্ধীদের উন্নয়নে ভূমিকা রাখা।

১.৩ কৌশলগত উদ্দেশ্যসমূহ (Strategic Objectives)

১.৩.১ সংস্থার কৌশলগত উদ্দেশ্যসমূহ

১. প্রতিবন্ধী ব্যক্তিদের শিল্প বিষয়ক প্রশিক্ষণ প্রদানের মাধ্যমে কর্মসংস্থানের সুযোগ সৃষ্টি করা।
২. প্রতিবন্ধী ব্যক্তিদের জীবন মান উন্নয়নের মাধ্যমে দক্ষ মানব সম্পদে পরিনত করা।
৩. শারীরিক প্রতিবন্ধী কর্তৃক উৎপাদিত পণ্য সামগ্রী ও বিশুদ্ধ মুক্তা ড্রিংকিং ওয়াটার বিপণনের মাধ্যমে প্রতিবন্ধীদের ভাগ্য পরিবর্তন করা।

১.৩.২ আবশ্যিক কৌশলগত উদ্দেশ্যসমূহ

১. দক্ষতার সংগে বার্ষিক কর্মসম্পাদন চুক্তি বাস্তবায়ন;
২. মৈত্রী শিল্প ফ্যাক্টরীতে পণ্য উৎপাদন, বিপণন ও প্রশিক্ষণের মাধ্যমে শারীরিক প্রতিবন্ধীদের পুনর্বাসন;
৩. দক্ষ ব্যবস্থাপনার উন্নয়ন;
৪. জাতীয় শুদ্ধাচার কৌশলের আলোকে প্রতিষ্ঠানে কর্মকর্তা/কর্মচারীদের স্বচ্ছতা ও জবাবদিহিতা নিশ্চিত করা।

মৈত্রী শিল্পের কার্যাবলী (Functions)

ক. প্রতিবন্ধী ব্যক্তিদের সমাজের মূলস্রোতধারায় অন্তর্ভুক্ত করার জন্য শিল্প বিষয়ক প্রশিক্ষণ প্রদানের মাধ্যমে দক্ষ মানব সম্পদে রূপান্তর করা।

খ. প্রতিবন্ধীদের আর্থ-সামাজিক সুরক্ষার লক্ষ্যে তাদের কর্মসংস্থান ও পুনর্বাসন কার্যক্রম বাস্তবায়ন করা।

গ. মৈত্রী প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার উৎপাদন ও বিপণন কাঙ্ক্ষিত মানে উন্নীতকরণের মাধ্যমে প্রতিবন্ধী ব্যক্তিদের টেকসই উন্নয়ন নিশ্চিত করা।

ঘ. মৈত্রী শিল্পের উৎপাদিত প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার সরকারী, আধাসরকারী/ স্বায়ত্বশাসিত প্রতিষ্ঠানসহ সর্বস্তরের ভোক্তাদের মাঝে সরবরাহ নিশ্চিতকরণের মাধ্যমে সরকারের রাজস্ব বৃদ্ধি ও প্রতিবন্ধী ব্যক্তিদের জীবনমান উন্নয়নে ভূমিকা রাখা।

বাংলাদেশের আর্থ-সামাজিক উন্নয়নে মাননীয় প্রধানমন্ত্রী শেখ হাসিনার দূরদৃষ্টিসম্পন্ন ও ভিশনারী পদক্ষেপের ফলে দেশের প্রান্তিক জনগোষ্ঠীর জীবনমান উন্নয়ন ও কাঙ্ক্ষিত অর্থনৈতিক প্রবৃদ্ধি অর্জন সম্ভব হয়েছে। ধারাবাহিকভাবে অর্থনৈতিক প্রবৃদ্ধি অর্জন ও সামাজিক সূচকসমূহের ক্রমাগত উন্নতির মাধ্যমে তিনি দেশকে একটি মধ্যম আয়ের দেশে পরিণত করতে পেরেছেন। “**প্রতিবন্ধীরা সমাজের বোঝা নয় সম্পদ**” মাননীয় প্রধানমন্ত্রীর প্রতিবন্ধীবান্ধব এই দৃষ্টিভঙ্গি ও প্রতিবন্ধীদের জীবনমান উন্নয়নে কিছু অনুশাসন বাস্তবায়নের মাধ্যমে এই সংস্থাটি প্রতিবন্ধীতা উত্তরণে বিশেষ ভূমিকা পালন করে যাচ্ছে। প্রতিবন্ধীতা উত্তরণে মৈত্রী শিল্পের প্রতি তাঁর মানবিকবোধ ও ঐকান্তিক প্রচেষ্টায় এই প্রতিষ্ঠানটি একটি রুগ্ন শিল্প হতে প্রতিবন্ধীবান্ধব একটি লাভজনক প্রতিষ্ঠানে পরিণত করা সম্ভব হয়েছে।

মাননীয় প্রধানমন্ত্রী শেখ হাসিনার নেতৃত্বাধীন বর্তমান প্রতিবন্ধীবান্ধব সরকারের সময়ে শারীরিক প্রতিবন্ধী সুরক্ষা ট্রাস্ট, মৈত্রী শিল্প প্রতিবন্ধীদের জীবনমান উন্নয়নের মাধ্যমে টেকসই উন্নয়ন নিশ্চিতকরণের লক্ষ্যে ২০২১-২০২২ অর্থবছরে নিম্নে বর্ণিত গুরুত্বপূর্ণ কার্যাবলি সম্পাদন করেছে।



মৈত্রী শিল্পের প্রতিবন্ধীদের দ্বারা উৎপাদিত প্লাস্টিক পণ্য সামগ্রীর স্টল পরিদর্শন করছেন মাননীয় প্রধানমন্ত্রী শেখ হাসিনা।

২০২১ -২০২২ অর্থবছরে সম্পাদিত মৈত্রী শিল্পের গুরুত্বপূর্ণ অর্জন

বঙ্গবন্ধু কর্ণার স্থাপনঃ

মৈত্রী শিল্পে একটি দৃষ্টিনন্দন আধুনিক স্থাপত্যের “বঙ্গবন্ধু কর্ণার” স্থাপন করা হয়েছে। যেখানে বঙ্গবন্ধুর কর্মময় জীবন,বাংলাদেশের স্বাধীনতা আন্দোলন ও বাঙালির সংস্কৃতি সংক্ষিপ্তভাবে তুলে ধরা হয়েছে। এছাড়াও কর্ণারে বঙ্গবন্ধুর বিভিন্ন সময়ের গুরুত্বপূর্ণ ছবি ও ঐতিহাসিক ভাষন,বঙ্গবন্ধুর উপর বিভিন্ন প্রকাশনা,স্বাধীনতার বিভিন্ন স্মারক সংরক্ষণ করা হচ্ছে। পাশাপাশি বঙ্গবন্ধু কর্ণার এর অভ্যন্তরে বঙ্গবন্ধুর “অসমাপ্ত আত্মজীবনী” গ্রন্থসহ বঙ্গবন্ধুকে নিয়ে বিভিন্ন সময়ে প্রকাশিত বই-পুস্তক ,বাংলাদেশের সংবিধান ও স্বাধীনতা সংগ্রামের দলিল সমগ্র সংরক্ষণের মাধ্যমে একটি ক্ষুদ্র গ্রন্থাগারও গড়ে তোলা হয়েছে।

মৈত্রী শিল্পে বঙ্গবন্ধু কর্ণার স্থাপনের মূল উদ্দেশ্য হচ্ছে,মৈত্রী শিল্পের কর্মকর্তা/কর্মচারীসহ পরবর্তী প্রজন্ম যেন জাতির পিতা বঙ্গবন্ধু শেখ মুজিবুর রহমান ও তাঁর কর্মময় জীবন ,বাংলাদেশের স্বাধীনতা আন্দোলনের ইতিহাস ও বাঙালি কৃষ্টি ,ঐতিহ্য ও সংস্কৃতি সম্পর্কে সম্যক ধারণা লাভ করতে পারে।



বঙ্গবন্ধু কর্ণারে স্থাপিত জাতির পিতার প্রতিকৃতিতে মৈত্রী শিল্পের কর্মকর্তা/কর্মচারীদের শ্রদ্ধার্ঘ্য অর্পণ।

বিভাগীয় পর্যায়ে মৈত্রী শিল্পের শাখা কাম শোরুম স্থাপন:

প্রতিবন্ধীদের অধিকতর কর্মসংস্থান সৃষ্টির মাধ্যমে তাদের জীবনমান উন্নয়ন ও মৈত্রী পণ্যের বাজার সম্প্রসারণের লক্ষ্যে মাননীয় প্রধানমন্ত্রীর অনুশাসন অনুযায়ী দেশের ০৮ বিভাগে মৈত্রী শিল্পের ৮টি শাখা কাম সেলস সেন্টার গড়ে তোলার কার্যক্রম বাস্তবায়ন করা হয়েছে। ইতোমধ্যে ঢাকা, রংপুর ও চট্টগ্রাম বিভাগীয় পর্যায়ে মৈত্রী শিল্পের শাখা কাম সেলস সেন্টার স্থাপনের কাজ বাস্তবায়িত হয়েছে। ২০২২-২০২৩ অর্থবছর হতেই এ তিনটি শাখায় উৎপাদন ও বিপণন শুরু হবে। বাকী ০৫টি বিভাগীয় শাখা পর্যায়ক্রমে বাস্তবায়ন করা হবে।



মাননীয় প্রধানমন্ত্রীর অনুশাসন অনুযায়ী প্রতিবন্ধীদের অধিকতর কর্মসংস্থান ও জীবনমান উন্নয়নের লক্ষ্যে বিভাগীয় পর্যায়ে (চট্টগ্রাম বিভাগ) মৈত্রী শিল্পের স্থাপিত শাখা কাম সেলস সেন্টার।



মাননীয় প্রধানমন্ত্রীর অনুশাসন অনুযায়ী প্রতিবন্ধীদের অধিকতর কর্মসংস্থান ও জীবনমান উন্নয়নের লক্ষ্যে বিভাগীয় পর্যায়ে (রংপুর বিভাগ) মৈত্রী শিল্পের স্থাপিত শাখা কাম সেলস সেন্টার।

প্রতিবন্ধী ব্যক্তিদের বৃত্তিমূলক/শিল্প বিষয়ক প্রশিক্ষণের মাধ্যমে মানব সম্পদে রূপান্তরপূর্বক কর্মসংস্থানের ব্যবস্থাকরণঃ

২০২১-২০২২ অর্থবছরে শারীরিক প্রতিবন্ধী সুরক্ষা ট্রাস্ট, মৈত্রী শিল্প ৩৩০ জন প্রতিবন্ধী ব্যক্তিকে বৃত্তিমূলক/ শিল্প বিষয়ক প্রশিক্ষণ প্রদানপূর্বক দক্ষ মানব সম্পদে রূপান্তর করে এবং ২৭০ জন প্রশিক্ষিত প্রতিবন্ধী ব্যক্তিকে মৈত্রী শিল্পসহ বিভিন্ন প্রতিষ্ঠানে কর্মসংস্থানের ব্যবস্থা করেছে।



মৈত্রী শিল্পের ওয়ার্কশপে প্রশিক্ষণরত প্রতিবন্ধী প্রশিক্ষার্থীবৃন্দ।

কারিগরি দক্ষতা উন্নয়ন ও আধুনিক অফিস ব্যবস্থাপনা সম্পর্কিত প্রশিক্ষণ কর্মশালার আয়োজনঃ২০২১-২০২২ অর্থবছরে শারীরিক প্রতিবন্ধী সুরক্ষা ট্রাস্ট, মৈত্রী শিল্প কারিগরি দক্ষতা উন্নয়ন ও আধুনিক অফিস ব্যবস্থাপনা সম্পর্কিত প্রশিক্ষণ কর্মশালার আয়োজন করা হয়।যাতে করে প্রশিক্ষিত ব্যক্তির মৈত্রী শিল্পের উন্নয়নে অধিকতর কার্যকর ভূমিকা রাখতে পারেন।



দক্ষ প্রশিক্ষক দ্বারা মৈত্রী শিল্পের প্রতিবন্ধী ব্যক্তিদের প্রশিক্ষণ প্রদানের চিত্র।



মৈত্রী শিল্পের সভা কক্ষে কারিগরি দক্ষতা উন্নয়ন ও আধুনিক অফিস ব্যবস্থাপনা সম্পর্কিত প্রশিক্ষণ কর্মশালা।

সামাজিক সুরক্ষার অংশ হিসেবে মেধাবী প্রতিবন্ধী শিক্ষার্থীদের মেধাবৃত্তি প্রদান:

মেধাবী প্রতিবন্ধী শিক্ষার্থীদের সামাজিক সুরক্ষার অংশ হিসেবে মৈত্রী শিল্পের পক্ষ হতে প্রতিবছর ৬৪ টি জেলার প্রতিটি জেলা হতে এইচ এস সি ও স্নাতক পর্যায়ে ০৪ জন (০২জন ছাত্র ও ০২জন ছাত্রী)কে মেধা বৃত্তি প্রদান করা হয়।



সমাজকল্যাণ মন্ত্রণালয়ের মাননীয় মন্ত্রী জনাব **নুরুজ্জামান আহমেদ, এমপি** কর্তৃক মেধাবী প্রতিবন্ধী শিক্ষার্থীদের মেধাবৃত্তি প্রদান।



সমাজকল্যাণ মন্ত্রণালয়ের সচিব জনাব মোঃ জাহাঙ্গীর আলম কর্তৃক শারীরিক প্রতিবন্ধী সুরক্ষা ট্রাস্ট,মৈত্রী শিল্পে স্থাপিত দৃষ্টিনন্দন মুজিব কর্ণার পরিদর্শন।



সমাজকল্যাণ মন্ত্রণালয়ের সচিব জনাব মোঃ জাহাঙ্গীর আলম কর্তৃক প্রতিবন্ধীদের দ্বারা উৎপাদিত পণ্য বিপণন কেন্দ্র পরিদর্শন।



সমাজকল্যাণ মন্ত্রণালয়ের সচিব জনাব মোঃ জাহাঙ্গীর আলম কর্তৃক শারীরিক প্রতিবন্ধী
সুরক্ষা ট্রাস্ট, মৈত্রী শিল্পের ক্যাম্পাসে বৃক্ষরোপন।

মৈত্রী শিল্পের কর্মকর্তা/কর্মচারীদের ডরমেটরি ও আবাসিক ভবন নির্মাণ:

প্রতিবন্ধীদের জন্য আবাসন নিশ্চিতকরণে সরকারের নির্বাচনী ইশতেহারের মর্মানুযায়ী মৈত্রী শিল্পের কর্মকর্তা/কর্মচারীদের ডরমেটরি ও আবাসিক ভবন নির্মাণের বিষয়ে একটি ডিপিপি প্রণয়ন করা হয়েছে। নকশা অনুমোদনের জন্য প্রশাসনিক মন্ত্রণালয়ের মাধ্যমে গণপূর্ত অধিদফতরে প্রেরণ করা হয়েছে। উল্লিখিত নকশা অনুমোদিত হলে প্রতিবন্ধীদের আবাসন ব্যবস্থা বাস্তবায়ন করা হবে।

ডিলার /পরিবেশক নিয়োগ:

মৈত্রী শিল্পের পণ্যের বাজার সম্প্রসারণের লক্ষ্যে ২০২১-২০২২ অর্থবছর পর্যন্ত রাজধানী ঢাকাসহ সারা দেশে ৩৭জন ডিলার/পরিবেশক নিয়োগ করা হয়েছে। সুপার সপ মিনা বাজারের দেশব্যাপী ১৬টি আউটলেটে নিয়মিত মুক্তা পানি সরবরাহ ও বিপণন করা হচ্ছে।



শারীরিক প্রতিবন্ধী সুরক্ষা ট্রাস্ট, মৈত্রী শিল্প ও সুপার চেইন সপ মিনা বাজারের সাথে মুক্তা পানি বিপণনের বিষয়ে সমঝোতা স্মারক স্বাক্ষর অনুষ্ঠান।

বর্তমান সরকারের বিগত ১৩(তেরো) বছরের (২০০৯-২০২২) মেয়াদকালে প্রতিবন্ধী ব্যক্তিদের জীবন মান উন্নয়নে মাননীয় প্রধানমন্ত্রীর মানবিক প্রতিশ্রুতি ও তাঁর দূরদৃষ্টিসম্পন্ন সিদ্ধান্তের ফলে প্রতিষ্ঠানটির আমূল পরিবর্তন ও সংস্কারের মধ্য দিয়ে শারীরিক প্রতিবন্ধী সুরক্ষা ট্রাস্ট, মৈত্রী শিল্প আজ প্রতিবন্ধীবান্ধব একটি লাভজনক প্রতিষ্ঠানে পরিণত হয়েছে। যা রূপকল্প ২০৪১ বাস্তবায়ন ও প্রতিবন্ধীদের টেকসই উন্নয়ন নিশ্চিতকরণের মাধ্যমে মধ্যম আয়ের দেশ হিসাবে উন্নয়ন অভিযাত্রায় একটি অনন্য পদক্ষেপ।

মোঃ সেলিম খান
নির্বাহী পরিচালক (যুগ্মসচিব)
শারীরিক প্রতিবন্ধী সুরক্ষা ট্রাস্ট মৈত্রী শিল্প
ফোন: +৮৮-০২২২-৪৪১৩২৭৯ (অফিস)
Email: maitrishilpa@yahoo.com

